

cesio *Hippurea*, Hispanis *Lampugo*, Gazae *Equilis* vocatur. Glaucō colore internisque partibus similis est, et facile inter caeteros pisces ex *pinnā*, quae a capite incipiens in prona parte ipsi unica est, et caudae equinae simillima, villis multis constat, cuiusmodi in nullis aliis piscibus reperitur. Venter in medio corpore situs est.

Aristot.
H. A. l. 9.
c. 10.

Degit in pelago, mari Mediterraneo ignotus. Carystius ab Arcestrato maxime celebratur, quod mirum, cum caeteri ibi pisces viles sint. Delectatur carnibus, et nassis inclusus tantopere crescit, ut inde incrementum cepisse videatur. Vere parit; hyeme latet; in natatu celer est, et nunquam nisi certis diebus capitur.

REVERSUS Indicus duplex est, Anguilliformis alter, de quo inferius dicemus: alter, de quo hic, squammosus. Nomen inde, quod retractus venetur, accepit. Magnitudine est palmi. Squammis contegitur rugosis, spinis in dorso, et ab umbilico ad caudam maxime acutissimis. Docilis est, et facile cicuratur. Magnam Indis in venandis piscibus praestat operam. Tenui sed valido funiculo alligatus ad mare defertur, blandis animatus verbis in piscem conspectum, etiam magnum, emittitur, ejusdemque lateri seu ventri sese affigit; sic extrahitur. Praeda blande avellitur, ne, quia valide adhaeret, discerpta intereat.

TAB. III. 1.
Clusius Exot.
l. 6. c. 18.

Niremberg.
Nat. Exot.
l. 11. c. 18.

REVERSVM Indicū anguilliformem v. Tab. II.

CAPVT II.

De Pelagiis Lacvibus.

ARTICVLVS I.

De Thunno.

Thunnus, seu a Graecorum Θύνειν, quod est magno impetu moveri, seu ab Ebraeorum ^aThannia, quo Cetaceum piscem intelligunt, sic dictus, multa apud Authores pro diversitate aetatum sortitur nomina. Thynnus seu Thynna simpliciter sive mas est sive foemina, Pelamyde major, Thunno proprie dicto minor. ^b*Cordyla* appellatur partus, qui foetas redeuntēs in mare autumnō comitatur, Byzantii ^cαυξιδας, διὰ τὸ ἐν ὀλίγαις ἡμέραις αὐξάνεσθαι ut testatur ^eAristoteles, seu quod paucis diebus augeant (Gaza *Auxum* vocat) dicunt. Redux in Pontum ex magno mari *Cordyla*, *Pelamydis* nomen, seu ^dπαρὰ τὸ ἐν τῷ πηλῷ μίειν, i. e. quod in limose abdat, seu ^eδιὰ τὸ πέλειν αἶμα, quod gregatim degat, ut ^dPlutarchō placet, (*Limosam*, *Limariam*, et *Lutariam* alii vocant) sortitur. Pelamydes cum annum excessere tempus, *Thunni* vocantur; hisce paulo majores *Tritones*. ^e*Orcynus*, *Apolectus*, *Sarda*, *Synodontis*, *Cybia* seu *Cybios*, *Cete*, *Melandrys*, *Triton*, *Chelidonas*, *Xanthias*, propriis suarum appellationum rationibus non carent; sed et variis eorum sale asservatis partibus singularia nomina indita, apud Authores invenies.

^a *Aldrov.*
l. 3. c. 18.
TAB. III. 2.
s. 4.

^b *Plinius*
H. N. l. 9.
c. 15.

^c *Aristotel.*
H. A. l. 6.
c. 16.

^d *Plutarch.*
de solert.
Animal.

^e *Aldrov.*
l. 3. c. 11.

^f *Rondelet.*

deletius suum *Orcynum*, ut et eum, quem *Pelamydis* verae seu *Thunni* *Aristotelis* nomine exhibet, squammis magnis ita ad amussim compactis, ut iis carere videatur, tegi, coctione eadem dehiscere, tuncque perspicue apparere tenui membrana contextas, scribit. *Pelamydem* vero *Sardam* cute levi esse, et sine squammis, ea parte, quae a pinnis ad branchias sitis, incipit excepta, adjicit. Sed nec vel de sexuum notis; vel de *Pelamydum*, et *Thunorum* differentiis inter Authores convenire videtur. ^f*Aristoteli* ^g*Plinio* et ^h*Athenaeo* mas a foemina eo distinguitur, quod haec sub ventre pinnulam habeat ^gαφαιρεύς dictam, quae mas caret. *Rondeletius* in utroque semper pinnam sub ventre deprehendi ait, indivisam in mare, divisam in foemina, ut podicis foramen dilatari, foetusque commodius in lucem edi possit. *Ligures* et *Massilienses* piscatores nunquam ex *Pelamydibus* *Thunnos* fieri aperte ostendisse, author est ⁱScaliger: a *Pelamyde* hoc unum distare *Thunnum*, quod hic sit lividus lateribus, illa undantibus maculis transversis atque obliquis eidem destinato gerat, asseret ^k*Bellonius*. Captus An. MDCLXV. circa *Gaditanum* fretum, pedem xxxii. longitudine,

in Hist. Pisc.

^f *Aristot.*
H. A. l. 5.
c. 9.
^g *Plin. H. N.*
l. 9. c. 15.
^h *Athen.*
Dipnos. l. c.

ⁱ *Scaliger. in*
Exercitat.

^k *Bellonius*
cit. Aldrov.